



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

XX. E[...]de sua Apostolis, Papa, & Episcopis descendit Iurisdictio Spiritualis?

**urn:nbn:de:hbz:466:1-35233**

& gratiam sufficiebat nullam; vti lex Christiana dat. A seruitute ceremonialium & iudicialium Moysis; Non à lege Prælatorum: nam *Obedite Præpositis. &c.* 1. Pet. 2. *Non quasi velamen habentes malitia libertatem.*

AD VI. Antiquauit; quia impleuit, vti figuras veritate præsentæ. Hebr. 7. *Translatio enim Sacerdotio, necesse est, vt legis translatio fiat, id est, mutatio non vt nulla foret lex.* Neque leges Ecclesiæ Vniuersales sunt plures quatuor, de Festis, Ieiuniis, Confessione & Communione: ceteri Canones sunt particulares. Nec sunt graues; cum sint quædam determinationes iuris diuini ad tempora certa.

AD VII. Isti omnes peccarunt peccatum idololatriæ. Nam Achaz extruxit aram ad formam idoli in Damasco: Manassés Militiæ cœli, seu siderum: Samaritæ Babylonicam idololatriam miscuerunt cum Iudaismo.

AD VIII. Vetat seruari hominibus propter homines; sed Deo in hominibus. Ita Chryc.

AD IX. Conscientiæ pertinent ad solum Deum; vel quòd solus eas introspicat: vel, quòd sic legibus eas vinciat, vt sentiant se peccasse in transgressione. Hoc, non isto modo, etiam Magistratus obligat: Et quidem ad pœnam æternam, quatenus violatione legis humanæ Deus offenditur.

### QVÆSTIO XX.

*Eccunde sua Apostolis, Papa & Episcopis descendit Iurisdictione?*

AUTOR. I. Iurisdictione Ordinis, ad Sacramenta administranda, vna

par, & communis est omnibus ritè Ordinatis in Clero, iure diuino, sic instituyente Christo.

II. Iurisdictione exteriori fori interioris, ad regendos Fideles in conscientiis, in actu signato, immediatè à Deo est, vt Ordinis collati; at in actu exercito, ab Episcopo, subditos suos alteri subiiciente. Ita, Eph. 4. *Ipse dedit quosdam quidem Apostolos, quosdam Prophetas, alios Pastores & Doctores. &c.* Quæ distinctio functionū, cum à Christo manat autore; mutari nō potest, nec à Papa, sic, vt null⁹ sit vsquam Episcopus.

III. Iurisdictione exteriori fori exterioris ad regendos Fideles in foro exteriori, in Totam Ecclesiam. I. APOSTOLIS quidem data est à Christo immediatè: Ioan 20. *Sicut misit me Pater; & Ego mitto vos.* Ita Cypr. l. de vnit. Eccl. Pater, *Act. 1.* in Electione Matthiæ. Et Gal. 1. *Paulus Apostolus, non ab hominibus, neque per hominem; sed per Iesum Christum, & Deum Patrem.*

2. Itemque PAPA, sicut Petrus, à solo Christo immediatè suam in totum orbem, accipit Potestatem: quo de supra.

3. EPISCOPORVM autem hæc ætèria Iurisdictione descendit immediatè à Papa. 1. Teste figura. *Num 11.* Deus auferens de spiritu Moysis, dedit LXX. senioribus; non diminuens, ait S. Aug. *quest. 18.* sed deriuans. 2. Regimen Ecclesiasticum cum sit Monarchicum, vt parte 1. liquet, omnem in Vno reside-re Autoritatem necesse est, inque alios ab vno deriuari: vt à capite in membra, ait Cypr. l. de vnit. Eccl. 3. Si Deus eā immediatè conferret Episcopis Iurisdictione.

tionem, æqualem haberent omnes; sicut illam Ordinis: Foretque de ea quid in Scriptura: Nec Papa eam mutare vel adimere posset: At nihil horum est: ergo. Quæ obiciuntur Vide in *Bell. libr. 4. de Pontif. c. 24. 25.*

Q V Æ S T I O XXI.

*An Papa habeat aliquam Jurisdictionem temporalem?*

**L**UTHERANI, ut Magdeburgenses *Cent. 1. l. 2. cap. 4.* inter notas Anti-hæresi referunt duos quos gerit Papa, gladios. *Cent. 8. 9. 10. 11. cap. 10.* Papas de iurisdictione peracerbè castigant. Item que BRENT. vs in prolegomina contra Petrum Soto. Petrus Martyr *inc. 13. Rom.*

CALVINUS *Instit. lib. 4. c. 11. §. 8. 9. &c.* duo cum Lutheranis asserit. 1. Papam ex iure diuino nullam habere temporalem potestatem tum Dominiorum, tum Principum. 2. Non licuisse Papæ & Episcopis accipere dominia, vrbesque. &c. quas habent; esseque possessionem mero latrocinio paratam.

SVADENT istis. 1. Quia, Matth. 20. *Reges gentium dominantur eorum: vos autem non sic: Significat Pastoris officium & Principis res esse magis distinctas, quam ut in unum hominem coire queant. Quod Moyses utrumque sustinuit, raro id miraculo factum est. Vbi autem certa forma præscribitur, Civilis gubernatio ei relinquatur, Sacerdotium iubetur fratri resignare. Et merito, est enim supra naturam, ut unus homo utrique oneri sufficiat.* 2. Quia *Luc. 12. Quis me constituit Iudicem inter vos? q. d. doctor sum, non rector. Act. 6. Non est æquum nos relinquere Verbum Dei, & ministrare mensis.* 3. Quia *Bern. l. 2. de Confid. Forma Apostolica hæc est: Interdicitur dominatio; indicitur ministratio.* 4. Quia, *2. Tim. 2. Nemo militans Deo implicat se negotiis secularibus.*

AUTOR. Papa non est Dominus

totius orbis. I. Non Absolutus. 1. Quia Petrus solas Oves commisit; at infideles non sunt oves. 1. Cor. 5. *Quid mihi de his, qui foris sunt indicare?* 2. Dominus in lib. arbitrio, non in fide fundatur. 3. Nec Episcopi sunt Domini vrbum; nec orbis Papa: teste Alexandro III. Quippe nec Scriptura, neque Traditio est de Clauibus regni terreni.

II. Nec directè est iure diuino vllius loci Dominus Papa. Quia Christus, cuius in terris Vicarius est Papa, regnum temporale non habuit hæreditario: nisi Sceptrum Davidis defecerat: Nec electione populi, nã *Luc. 12. & Ioan. 6.* fugi eligi: Nec iure belli: Nec donatione. Quia, *Ioann. 18. Regnum meum non est de hoc mundo.*

III. Papatamen habet orbis Dominium indirectè, scilicet in ordine ad bonum spirituale: Ob quod potest regna transferre; leges Regum abrogare; sed incidenter, non ordinariè; si derogent Bono spirituali. 1. Quia potestas civilis est subiecta spirituali, ut caro spiritui. Ob fines; quia felicitas temporalis subordinatur æternæ. *Eph. 1. Faciuntque Clerus & Populus vnum Corpus & Ecclesiam.* 2. Petro, *Ioann. vlt. data potestas est triplex: Arcere lupos: Arietum imperus cohibere: pabula ouibus puerbere.* Si ergo è Principe oue lupus eundat, aut tyrannicè arietet in oues; expelli potest. 3. Exemplis liquet. *Ozias, 2. Paral. 26. regno cedere iussus ab sacerdote, ob lepram: hæresios indicem. Atalia iussu Ioiadæ Pont. occissa ob cultum Baal, &c. Vide Bellarm. libr. 5. de Pontif. cap. 8.*

IV. Non pugnat cum Verbo Dei cun-